



Raajat qalipa aturugit kitin/kitosanimik rejemelinillu nunatta iluani nunattalu avataanut tunisassiorsinnaasumik pisortanit namminersortunillu pigineqataaffiusumik tunisassiorfimmik, imminut akilersinnaasumik pilersitsisoqarsinnaanersoq paasiniallugu, Naalakkersuisut Ukiakkut Ataatsimiinnermi 2017-mi agguassassamik nalunaarusiornissaannik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasorta Peter Olsen, Inuit Ataqtigiiit)
(Siullermeenera)

Demokraatini tamatigut ernumaammertarpugut sulliviit namminersortunit pisortanillu ataatsikkut pigineqartut eqqartorneqaleraangata. Isumaqarpugut oqaluttuarisaanerput pisortat namminersortullu ingerlassimasaannik suliniutinik iluatsinngitsoortunik ulikkaartoq.

Aningaasarsiornermut ilisimatuut quisaarlutik oqartarput aqqusinermi aningaasaqanngitsoq taamaassimappammi tiguneqareersimassammata. Kialluunniimmi tamanna naatsorsuutigisinnaavaa. Aqqusinermi sumi immiaaqqap sodavandilluunniit puukuanik kingullermik takuit? Takunngilatit ilaa, katersorneqartarmata utertinneqarlutillu. Aamma taamaappoq sunilluunniit tunisassiulernissarput pillugu politikkikkut isumassarsiat assigiinngitsut eqqarsaatigalugit. Isuma kusanarsimaqippat, arlaat qangali tunisassiulereersimassagaluarpoq.

Soorunami oqartoqarsinnaalluarpoq isummanik kusanartunik ulikkaartoq inuit naluinnangaannik. Niuertut nalinginnaat qanoq ilillutik ilisimassavaat kitosan immaqa iluanaarutigineqarsinnaasoq. Tamanna isumaqatigiissutigisinnaagunarparput. Kisianni ilumoorpat arlaat kitosanimik tunisassiulersinnaasoq, suliffinnik akileraarutinillu nassataqarsinnaammat, taava soorunami eqqortuliornersaaq isumassarsiaq tamanut saqqummiunneqarpat. Tamanna pisinnaavoq niuertarfimmik ingerlatsilernissamut kaammattuinnikkut. Imaluunniit immikkoortup ilisimatusarfiginerulerneratigut. Aammami suliniuterpassuit aallartinneqarsinnaapput tunisassiulinngikkaluarluni qularnanngitsumik akiliisinnaajunnaartussamik imaluunniit tapiissuterpassuarnik pisariaqartitsilersussamik.

Paaseqqiinnarparput Kalaallit Nunaata ingerlalluarnissaa tamatta sulissutigigaluarlutigu isumaqatigiissutigisinnaanngilarput qanoq iliussanerluta.

Inassutigaarput siunnersuut itigartinneqassasoq.